

Asociacion di Musico y Artista Arubano ta lansa su website, logo y estilo corporativo



ORANJESTAD – Den presencia di su miembronan y invitadonan, directiva di AMAA a presenta su website, pagina di media social (facebook, twitter), logo y estilo corporativo di e asociacion. E logo di AMAA ta un combinacion di e abreviacion AMAA, den e colonan blauw, geel y cora riba un fondo blanco; e colonan di e bandera di nos isla

E diseñador ta sr. Garrick Laclé, kende tambe a traha e website y e pagina di Facebook di AMAA. Hilyann

Croes musico/cantante, yiu muhe di Hildward Croes den feliz memoria, a lansa e



website na momento cu el a skirbi number di e website riba computer pa AMAA bay online. Hildward Croes den su calidad di presidente di Stichting Musica, hunto cu e directiva di Stichting Musica a funda AMAA na aña 2012. AMAA su directiva actual ta consisti di e siguiente boluntarionan: sra. Maybelline Arends-Croes, sra. Nicole Booi, sr. Victor Camacho, sr. Serghio Jansen, sr. Victor Mathilda, sr. Nigel Matthew y sr. Sergio Tjic-A-Loi. AMAA, pa decision di



Conseho di Minister, ta e unico partner di combersacion cu gobierno pa loke ta trata asuntonan cu ta regarda musician y otro artistanan di Aruba. Tur artista cu ta adulto por bira miembro di AMAA door di yena e formulario di inscripcion y paga e suma di contribucion cu ta AWG. 10, -- pa luna pa un termino di minimal 6 luna. Hobennan bao di 18 aña por bira miembro aspirante. Entidadnan huridico riba cualkier tereno di arte tambe por bira miembro di AMAA. Managernan di gru-

po y/of artista y tecnonan cu no ta alabes artista por bira miembro extra ordinario.

Meta general di AMAA ta pa defende interesnan di tur musico y otro artistanan di Aruba y di su miembronan en particular tanto na Aruba como den exterior. Por tuma contacto cu AMAA via email: amaaruba2016@gmail.com, via miembronan di directiva, via e website <http://www.amaaaruba.com> of via e pagina di Facebook www.facebook.com/amaaaruba.